

NEWSPAPER CLIPPING

Date	10 April 2013
Title	Larian Amal UNITEN
Publication	Pendidikan
Page	57



PESERTA bersiap sedia sebelum dilepaskan.



PESERTA memecut sebaik perlumbaan bermula.

Larian amal UNITEN

Kutip dana jayakan Program Khidmat Komuniti

Oleh Rosyahaida Abdullah
rosyahaida@mediaprima.com.my

Penuntut Program Persediaan Pelajar Cemerlang (PPES) dari Universiti Tenaga Nasional (UNITEN), baru-baru ini, menganjurkan Larian Amal Kekayaan Terhebat Adalah Kesihatan bertempat di UNITEN, Bangi, Selangor.

Seramai 400 peserta mengambil bahagian dalam larian ini yang bertujuan mengutip dana bagi membolehkan penuntut

PPES mengadakan Program Khidmat Komuniti di Kelantan, pertengahan bulan depan.

Membabitkan jarak sejauh enam kilometer, larian amal ini dimulakan dengan sesi pemanasan badan untuk peserta mempersiapkan diri bagi memulakan larian pada jam 8 pagi.

Larian terbabit berlangsung meriah dengan penyertaan merangkumi peserta daripada pelbagai kaum, malah penuntut asing turut mengambil ba-

hagian. Tidak terkecuali golongan ibu bapa yang membawa anak mereka bersama untuk menyertainya sebagai satu aktiviti keluarga.

Program berkenaan diakhiri dengan acara penyampaian hadiah yang disampaikan oleh Dekan Kolej Asas dan Pengajian Am (CFGS) Mohd Ariff Ahmad Tarmizi kepada pemenang larian.

Larian berkenaan yang tamat dengan jayanya menjadi titik permulaan kepada Program Khidmat Komuniti pelajar PPES yang lebih besar di Kelantan yang akan diadakan pada cuti semester mereka tidak lama lagi.